

প্রধানমন্ত্রীরদপ্তর

ওখি ঘূর্ণিঝড় বিধ্বস্ত লাক্ষাদ্বীপ, তামিলনাডু ও কেরল পরিদর্শন করলেন প্রধানমন্ত্রী : ঘোষণা করলেন ৩২৫ কোটি টাকার অতিরিক্ত ত্রাণ সহায়তা

Posted On: 26 DEC 2017 5:24PM by PIB Kolkata

প্রধানমন্ত্রী শ্রী নরেন্দ্র মোদী বুধবার লাক্ষাদ্বীপ, তামিলনাডু এবং কেরলের ওথি যূর্ণিঝড় বিধবস্ত এলাকাগুলি পরিদর্শন করে সেখানকার কৃষক ও মংস্যজীবীসহ ক্ষতিগ্রস্ত সাধারণ মানুষের সঙ্গে কথাবার্তা বলেন। কাভারত্তি এবং কন্যাকুমারীর অধিবাসীদের সঙ্গেও তিনি এদিন দেখা করেন। তিরুবনন্তপুরমের অদূরে পুদুরা গ্রামটিও পরিদর্শন করেন প্রধানমন্ত্রী। এই গ্রামটিও ঘূর্ণিঝড়ের করলে পড়ে। যূর্ণিঝড়ের তাৎেরে তাঁদের দুঃখ, কষ্ট ও দুর্দশার একটি সার্বিক চিত্র স্থানীয় অধিবাসীরা তুলেধরেন প্রধানমন্ত্রীর কাছে। শ্রী মোদী গ্রামবাসীদের আশ্বাস দিয়ে জানান যে, এই সঙ্কটের মুহূর্তে কেন্দ্রীয় সরকার তাঁদের পাশেই রয়েছে এবং প্রয়োজন মতো সকল রকম সাহায্য ও সহায়তা তাঁদের কাছে পৌছে দেওয়া হবে।

ঘূর্ণিঝড় পরবর্তী পরিস্থিতি থতিয়ে দেখতে কাভারতি, কন্যাকুমারী এবং তিরুবনগুপুরমে পৃথক পৃথক পর্যালোচনা বৈঠকে মিলিত হন প্রধানমন্ত্রী। এই পর্যালোচনা বৈঠকগুলিতে সংশ্লিষ্ট রাজ্য দুটির রাজ্যপাল, তামিলনাড়ুর উপ-মুখ্যমন্ত্রী, লোকসভার উপাধ্যক্ষ এবং লাক্ষাদ্বীপের প্রশাসক উপস্থিত ছিলেন। বৈঠকে যোগ দেন পদস্থ সরকারি আধিকারিকরাও।

ক্ষতিগ্রস্ত রাজ্যগুলির জন্য ত্রাণ সহায়তার বিশেষ প্যাকেজের ব্যবস্থা করাহ্বে বলে এদিন ঘোষণা করেন প্রধানমন্ত্রী। তিনি জানান, কেরল, তামিলনাড়ু এবং লাক্ষাদ্বীপকে এজন্য অনতিবিলম্বেই ৩২৫ কোটি টাকার আর্থিক সহায়তার যোগান দেওয়া হবে। এর আগে এ মাসের গোড়ায় তামিলনাড়ুর অনুকূলে ২৮০ কোটি টাকা এবং কেরলকে ৭৬ কোটি টাকার আর্থিক সহায়তা দেওয়া হয়েছিল। প্রধানমন্ত্রী ঘোষিত ৩২৫ কোটি টাকার আর্থিক প্যাকেজ ঐসহায়তার অতিরিক্ত বলে এদিন সুস্পষ্টভাবে ব্যক্ত করেন শ্রী নরেন্দ্র মোদী।

স্থির হয়েছে যে, প্রধানমন্ত্রী আবাস যোজনার আওতায় বিশেষ অগ্রাধিকারের ভিত্তিতে সম্পূর্ণভাবে ক্ষতিগ্রস্ত ১ হাজার ৪০০টি বাসস্থানের পুনর্নির্মাণের কাজে সাহায্য করবে কেন্দ্রীয় সরকার। এই কর্মসূচির আওতায় নিজেদের একটি করে নতুন বাড়ি গড়ে তোলার জন্য প্রত্যেক সৃফল গ্রহীতাকে দেওয়া হবে দেড় লক্ষ টাকা। এছাড়াও, ওখি ঘূর্ণিঝড়ে ক্ষতিগ্রস্ত মানুমদের বিমা সংক্রান্ত দাবি-দাওয়ার দ্রুত নিম্পত্তি করতে নির্দেশ দেওয়া হয়েছে সংশ্লিষ্ট বিমা সংস্থাগুলিকে।

প্রধানমন্ত্রীর ঘোষণা অনুযায়ী তাঁর জাতীয় ত্রাণ তহবিল থেকে ঘৃণিঝড়ে মৃত ব্যক্তিদের নিকটাশ্মীয়কে ২ লক্ষ টাকা এবং গুরুতরভাবে জখম ব্যক্তিদের প্রত্যেককে ৫০হাজার টাকা করে বিশেষ সহায়তা দেওয়া হবে।

এদিনের পর্যালোচনা বৈঠকগুলিতে প্রধানমন্ত্রীকে জানানো হয় যে, গত ১২৫ বছরের মধ্যে ওখি ঘূর্ণিঝড়টি ছিল তৃতীয় বৃহত্তম ঘূর্ণাবার্ত্যা, যা প্রভৃত ক্ষতিসাধন করেছে সংশ্লিষ্ট আঞ্চলগুলির।

প্রসঙ্গত উল্লেখ্য, ওথি ঘূর্ণিঝড় হানা দেয় গত ৩০ নভেম্বর, ২০১৭ তারিখে এবংঐদিনই অনুসন্ধান ও উদ্ধার প্রচেষ্টার কাজ শুরু হয়ে যায়। এ পর্যন্ত মোট ৮৪৫ জন মৎস্যজীবীকে উদ্ধার করা হয়েছে।

(Release ID: 1514132) Visitor Counter: 5









in